

# महायान बुध्द धर्मया चर्यः





# महायान बुद्ध धर्मया चर्यः

[ वृ० स्वायम्भू पुराणया ढगु अंश ]

नेपाल तीर्थ वृत  
पुस्तकम्

नेपाल भाषा संग्रह कर्ता  
पं. वै. आशाकाजी बज्राचार्य  
अथननि यल ।

प्रचारक:- बुद्धोपाशकः पुण्यराज शाक्य  
नकवाहि दत्रु नापं

कलिगत-	सम्बत्	५०६२
बुद्ध-	सम्बत्	२५३५
नेपाल	सम्बत्	१११२
विक्रम	सम्बत्	२०४८

[सर्वाधिकार संग्रह कर्ता]

यथ्ये प्रचार जूगु  
तृतीयवार थुकीं स्वक जुल  
आ:- १०००

मुद्रक:- सुभाष प्रिटिङ्ग प्रेस, यल ।

## बुद्ध वचन यथार्थ खँ

वृ. स्वायम्भू पुराणोक्तः— द्वापर युगे स्वयम्भू  
दर्शनार्चन याय्त भारत गौड देशनिसे नेपाल भ्रमण  
याना विज्याह्य क्षत्रि जाति धार्मिक बौद्ध विद्वान्  
प्रचण्डदेव राजा खः ।

छन्हु वसपोल थःगु इच्छानुसारं स्वयम्भू आदि  
बुद्ध पंच तथागतालय महाचैत्याकार ज्योतिरुप दर्शन  
याना बुद्ध पूजा सिधेका थथ्ये चिन्तना यात ।  
कलियुगे थुगु स्वयम्भू मूर्ति अज्ञानि मनुष्यपिसं  
स्यंकेफुः ।

जिनं यत्न याना तोपुये थथ्ये विचार याय्  
धुंका ह्यापा गुणाकरा चार्ययात शिक्षा दिक्षा विया  
बिज्याथ्ये आः जितनं फोने धका गोपुच्छ पर्वते च्वना  
अविष्ठान याना महामंजुश्री गुरुया शिष्य जुया  
विज्यात ।

तथागत ज्ञान ह्यापालाक उपसंपदा चूडाकर्म  
 श्रावक चर्य बुद्धयान धारण याना शान्तश्रीमहा  
 भिक्षु जुयालि हानं लिपा द्वितीय प्रत्येक बोधिसत्व  
 चर्य बुद्धयान ह्यसीका पुनः तृतीय बुद्धयान चर्य  
 महायान स्वयम्भू धर्मस चवना क्रमशः पुन बज्राचार्या  
 भिषेक शिक्षा प्राप्त याना शान्तिकरा चार्य नामा-  
 भिषेक द्वारा बज्राचार्य बज्रयानया गुरु जुया तंत्र  
 मंत्र सहजयान थ्यंक उच्च पदया बुद्ध ज्ञान बोध याना  
 द्वापर युगे कनकमुनि बुद्ध धुंका, काश्यप बुद्धया पर्याये  
 ह्यापा लात थ्व महायान चर्यया तीर्थ व्रत याना  
 क्यना विज्यात ।

पीठ उपपीठ श्मशान उपश्मशान सेवा याना  
 उपोषध व्रत करुणामयया व्रत याना विज्याबले नियम  
 पालनयागु थथ्ये छः । आरंभ निने लिपा समाप्त  
 जूबले बज्रदेवी स्वरूप अहिंसका सध्य कुमारी साधन  
 याना पूजादि यावले क्रमशः ह्यापायापि तथागत पुनः  
 मंजुश्री गुरुया वचन पालन याना मदिरा मांसहार  
 अथम क्रिया दुर्गन्ध वस्तु निषिद्ध याना पूजादि सिधेका  
 थःगु मनोरथ कार्य पूर्ण ज्वीका बुद्ध सिद्धि एवं अष्ट  
 सिद्धि प्राप्त याना विज्यात ।

लुं लिपा ज्योति ह्य स्वयम्भू मूर्ति विधिपूर्वक  
क्रिया द्वारा तोपुया सकलयात वयनाति उगु  
स्थाने च्वना धर्मोपदेश विद्या न्यंका सन्तोष घाना  
विज्यात ।

अनंलि लिपा उगु स्थानया संनिघाने शान्तिपुर  
गुह्यालय धर्मागार आगंछें (दिगि) देकेविद्या दुने  
गोप्य रूपं गुंगुगु (९) कोथास थः च्वना तः प्वागु  
चिन्तामणि मत च्याका योग मनाधि चय्ये च्वना  
बिज्यागु शान्तिपुर (आगंछें) थौतकं दिव्यमान जुया  
च्वन तिनि । थ्व खं बृहत्स्वयम्भू पुराणे बांलाक  
उल्लेख जुया च्वगु दु ।

कोसं सीके योग्यगु आदिबुद्ध परम गुरु बज्रसत्त्व  
भगवानया उत्तम बज्रयान चय्ये खः ।

मंजुश्री गुरु द्वाराशान्तिकरा चार्य्य द्वापर युगे  
शाक्यमुनि बुद्ध जन्म मजुवं हे बज्रयान चय्ये धारण  
याय् धुंकल । थ्व हे ज्ञान खः जगत् हित व सुख ज्वीगु  
तथा थःगु मनोरथ पूर्ण ज्वीका बुद्ध सिद्धिया ज्ञान  
लाय्त थुगु रीतं याय्केकेमा धका लिपा कल्पियुगय  
प्रथम चरणे जन्म जुया बुद्ध जुया विज्याह्य शाक्य  
मुनि बुद्ध धै विज्याना वंगु सद्धर्मोपदेश महायान

अमृतवाणी सद्धर्मपुण्डरीक वंपुत्यसूत्र तथा लंकावतार  
सूत्र म्येम्येगु ग्रन्थेनं थथ्ये उल्लेख जुया च्वंगु दु ।

मद्य मांसं महापानं भक्षणं च विवर्जयेत्  
उपोषधेऽपि सद्धर्मे समाप्तं प्रति पालयेत् ।

आमोष या मूलगु मद्य ला तथा पूजा याना अथवा  
नेगु त्वनेगु अग्रम क्रिया । उपोषध ब्रत करुणामय,  
आर्यंतारा वसुन्धरा चैत्य ब्रत वंला पंजदान संम्यक  
पूजादि सद्धर्म चर्य्य- त्रिरत्न शरण आरंभ निसं  
समाप्त थ्यंक निषिद्ध याना (तोता) ब्रत पालन याये  
फत धाःसा बुद्धसिद्धि प्राप्त ज्वी, मयात धाःसा  
असिद्धि ज्वी ।

थुजागु बुद्ध वचन (अमृत वाक्य) पालन याना  
त्रेता युगे ककू छन्द बुद्धया शिष्य सर्वज्ञमित्राचार्य  
गुरुं चैत्य ब्रत याकल । थ्वहे रीतं दीपंकर या वचन  
न्यना सर्वानन्द राजा व इन्द्र पृष्ठ राजा पिसं चैत्यब्रत  
वंला पूजा संम्यक दान ह्लापालाक याना वनं । एवं  
रीतं स्वभाव शुद्ध ज्वीगु शील धारण याना ह्लापालाक  
उपोषध राजकुमारं उपोषध ब्रत याना वन । वथ्ये हे



सीका श्रीपुर नगरया सूर्योदय राजां वसुन्धरा ब्रत  
ह्लापालाक याना वन ।

तथागत वचनानुसारं चर्यं याना वंगुलि थुपि  
बुद्ध भुवने वास याना हानं जन्म मरणया दुःखं मुक्त  
जुल । एवं रीतं वर्तमान (आः) कीसनं सीकेमागु  
खः । तथागत वचन महायान सद्धर्मपुण्डरीक वैपुल्य  
सूत्र १३ परिवर्त, श्लोक १० यथ्ये प्रमाण दु ।

येचापि विविधान् प्राणिन् हिसेयुर्भोग कारणात्  
मांसं सूनाय विक्रेन्ति संस्तवं नैविवर्जयेत् ।

सुनां थःगु स्वाथिया लागी विविध प्राणि पित्त  
स्याना ला मिया व्यवहार याना भोग याइ थुमिगु संगत  
समेत बुद्धयान सद्धर्म चर्ये चवपिसं याय् मज्जु तोतेफेके  
मा ।

महायान लंकावतार वैपुल्य सूत्र ८ अध्याय  
श्लोक १ स यथ्ये प्रमाण दु ।

मद्यं मांसं पलाण्डून् भक्षयेयं महामते ।  
बोधिसत्त्वैर्महासत्त्वैर्भाषद्भिज्जिन पुंगवैः ।

हे महामति बोधिसत्त्व छं वांलाक सीकि, मदिरा  
मांस प्याज छा लाभा थुजागु दुर्गन्ध अशुचि अयोग्य

वस्तु बुद्धयान सद्धर्मं चर्यं ब्रतकर्मसं सेवनं यानां नेगु  
तोनेगु योग्यं मजुः । तथ्ये ह्मापः जुया वंषि बुद्धं वोधि  
सत्त्व बौद्ध विद्वान् आचार्यं पिसं धया वंगु तथ्ये खः ।

येच्चापि परमं घोरं नरकं पाप कर्मणि ।  
रौरवादिषु रौद्रेषु पच्यन्ते मांसखादकाः ।

सुनां थुजागु योग्यं बुद्ध वचनं मिचे यानां पाप  
कर्म याका नकिं थः पिसं नं नै त्वनि थुजापि लिपा  
भयंकरगु नरके भोग यानां दुःखं ज्वी । बुद्धयान सद्धर्मं  
चर्यं निषिद्धं याय् मागु मयासे मांसं मदिरा नै त्वनि  
थुपि रौ व आदि भयानकगु नरके दुःखं भोग यानां  
पाकं ज्वी ।

दुर्गतिं परिशोधनं तत्र यत्र ३३ स प्रमाण - न मद्यं  
पेयं मांसादि भक्षं नैव कदाचन ।  
सत्त्वानां महितं कथं त्याज्यं रत्नत्रयं नमः ।

मदिरा त्वनेगु मांसं नेगु सत्त्व प्राणिपिन्तं हिन  
मजुगु धका सीका त्रिरत्नं शरणं वना ब्रत आदि पूजा  
याय्वले गुवले सेवनं याय् मखुः धैगु परिणामना यानां  
अहितं वस्तु त्यागं याये फेका त्रिरत्नं पिन्तं नमस्कारं  
यायेगु अति योग्यं जु ।

थव बुद्धयान बुद्ध वचन बुद्ध चर्य खः धयागु  
जान सोका सुनां पालन याइ क्रमशः बुद्ध सिद्धि लाना  
मोक्षफल प्राप्त ज्वी अवश्य जुल ।

थव बुद्धयान धर्म नेपाले प्रचलित जुया सकसिनं  
माने याना वया च्वंगु उपोषध व्रत करुणामय  
अमोघ पाश लोकेश्वर तथा त्रिरत्न शरण बना अष्टमी  
पति तीर्थ स्नान याय् धुंका चैत्य नाग पूजा याना  
थःथगु थासे च्वना अष्टशील धारण याना व्रत याय्गु  
नियम व विधान संक्षिप्त मात्र च्वयागु, थुगु सफु दान  
याना विज्याह्य बुद्धोपाशक पुण्यराजशक्य यजमान खः ।

पुनः थुगु तीर्थ सेवाया ज्याय् कुत याना  
विज्यापि दीपि नकवहि तोलया सकल श्रद्धावान् पिसं  
जगतो हिताय सुखाय निमित्तं याना विज्यागु पुण्यं  
देशे शान्ति जुया सकलं मोक्षगति प्राप्त ज्वीमा धंगु  
जिगु आशा दु ।

जय शुभ मंगलं अस्तु ।

पं. वै. आशाकाजी बज्राचार्यः

अथनति यल ।

## जिगु धाय्मागुछगु शब्द

भगवान् बुद्धं उपदेश याना विज्यागु धर्म हे-  
जक कीसं पाप क्षय याना हाकनं जन्म व मरण या  
घः चाले हित्तु हिले माली मखु । व ज्ञान ख प्वंगु  
आर्य सत्य, च्यागु आर्य लंपु व प्रतीत्य समुत्पाद, वस-  
पोलं कना दिज्यागु उपदेश या मूल लंपु जूगुलि दुःखे  
लाना च्वंपि सकल मनुष्यपिन्त उपकार जुइगु बसपो-  
लयागु उपदेशयात ध्यान शील समाधि व प्रज्ञा वःक-  
या श्वहेजन्मे मोक्ष प्राप्तयाय्त महायान बुद्ध धर्म  
वांलाक ह्यसीका पूर्व विद्वानपि ह्लाचिला विज्यात ।  
श्वहे सिल सिलाय् कीथाय् नेपाले अष्टमी ब्रत पालन  
याना किनिगु (१२) तीर्थे धलंदना हानं अष्टवैत-  
राग बोधिसत्व पिगु उपाशना याना च्याह्य लोकेश्वर  
पिनिगु महिमासीका प्यंगुस्थाने प्यंग पत्रि चैत्यराज  
दर्शनार्चन याना श्व जीवन भिकेगु कुतःह्लापां निसें  
जुया वया च्वंगु खः ।

पं-वै श्री आशाकाजी वज्राचार्य जूं जी सकल  
निर्वाण कामी उपाशक उपाशिकापिगु निर्मि अति  
मिहेनत याना चवया विज्यागु थ्व अष्टमी ब्रत द्वादश  
तीर्थस उपाशना याय्गु विधि इतिहास व धर्म संबन्धी  
वृ. स्वायम्भू पुराणोक्त आधारित सफु प्रकाशित याय्गु  
मौका प्राप्त जूगु जिगु अहो भाग्य धका भापिया ।

यल न्याखाचुया नांदंगु बौद्ध संस्था तारे मां संघ  
व नकवहि तोलया सज्जन वर्ग पिगु आयोजनाय्  
(११९२) नेपाल सम्बत् कार्तिक शुक्ल मुखाष्टमी  
तिथि खुन्दुं निसे आरंभ जूगु अष्टमी ब्रत यागु शुभ  
उपलक्षे थ्व पुस्तक प्रकाश याना सद्धर्म दोहलपा  
जुल ।

सकल उपाशकोपाशिका व्रतिजन पिसं थ्व सफु  
वोना सोका अष्टमी तीर्थ ब्रते व्रतिकया पूजादि स्नान  
दान याय्गु ज्वलं सहित ज्वना मोक्षगति प्राप्त याय्गु  
कुत याना विज्याइ दी धंगु मनंतुना ।

थ्व सफु प्रकाशित यायेगु व थुगु तीर्थ ब्रते  
जजमान जुइगुलिनं सौभाग्य प्राप्त याका विज्यापि

पं. वै. आशाकाजी बज्जाचार्यजु यात व नकबहिल तोल  
निवासी सकल सज्जन पित्तनं दुनुगलं निसें धन्य  
प्रशंसा देछाया । सकलया जय ज्वीमा ।

बुद्धोपाशकः पुण्यराज शाक्यजु  
नकबहिदबु नापं यल ।

मिति:— ने. सं. १११२ — वि. सं. २०४८।७।२८  
( कार्तिक शुक्ल अष्टमी तिथि )

नम स्तस्मै भगवतेऽर्हते सम्यक् संबुद्धाय  
वसपोल भगवान् अर्हत् सम्यक् संबुद्धयात  
नमस्कार ।

## महायान बुद्ध धर्म

[बृहत् स्वयम्भू पुराणया छगु अंश]

नेपाल तीर्थ ब्रत

पुस्तकम्

त्रिरत्न वन्दना

नमो बुद्धाय धर्माय संग्र रुपाय वै नमः ।

स्वयम्भुवे विद्यच्छान्तं भानवे धर्म धातवे ।

बुद्ध धर्म संग्र (त्रिरत्न स्वंग अमूल्य रत्न) यात  
नमस्कार । सूर्य समान प्रकाश जुया प्राणि पित्त सुख  
शान्ति ज्वीगु सद्धर्म ज्ञानया आनन्दमय रुप जुया  
विज्याह्य आदि बुद्ध स्वयम्भू धर्म धातु वागीश्वर महा  
चैत्य भगवान् पंच तथागत पित्त नमस्कार । हानं  
सद्धर्म ज्ञान श्रावक प्रत्येक महायान मंत्र सहज

ब्रजयान प्रभास्वर तथता सून्यता ज्ञान यथाथं रूप  
जगतोहिताय निमित्त प्रचार याना विज्यइपि बौद्ध  
विद्वान् पित्तनं नमस्कार । ० ।

थनं निसैं द्वादश तीर्थ (१२) ह्य सीके

१- पुण्यतीर्थ (गोकर्ण)

थुगु तीर्थे अमोघ फलदायिणी व वागमती थ्व  
निगु तीर्थ होना च्वंगु । ह्लापां स्तान द्वाफोस्वां, दान  
सिजया लः थल व पिण्डपात्र ।

फियाहा चैत्य व नाग पूजा याये

गुंगू (९) फोनां संयुक्त ह्य ह्याउंहा रक्त वर्ण,  
तक्षेक नागराज चैत्ययात वहया छाफोस्वां नागयात  
दृष्टि मिछा कंके चमि म्हुतुस तये नागछत्र तिये  
चैत्य यातनं, नागयात वह अथवा सिजया धातु अंगस  
गर्भ तये । धूप पद्म केशर दक्षिणा माणिक रत्न, भोग  
कस्ति छाये, प्रज्ञापार मिता पाठ, आर्य नाम संगोति  
वोने ।

पीठ पूजा गोकर्णेश्वर दिग्पाल, थुगु तीर्थे पात्  
धाले फल अम्ब सहित, थुगु तीर्थे तक्षेकनाग उद्धा  
जुया वंगु ।



थुगु तीर्थे स्नान याय्गु मेला श्रावण कृष्णया  
अमाइ, सोमवार सन्हू । थुगु तीर्थे स्नान दान पाठ  
पूजादि ब्रत यांनागु पुण्य द्विद्विक (१०००) यज्ञ  
होमार्चन यांनागु तुल्य फल प्राप्त ज्वी जुल । ० ।

## २- शान्ततीर्थ (गुह्येश्वरी)

थुगुतीर्थे मारदायिणी व वागमती श्व निगु  
तीर्थ होना च्वंगु । स्नान धाले स्वां दान सिजया थले  
न्याता वृहीतया ।

फियाह्म चैत्य सहित नाग पूजा ।

न्हेंगु (७) फोनां संयुक्तह्म तुयूह्म श्वेतवर्ण  
सोम शिखि नागराज । चैत्ययात वहया वहया  
द्वाफोस्वां नागयात दृष्टि मिखाकके छत्र तिये । सुवर्ण  
धातु नागयात अंगस गर्भ तये । धूप श्रीखण्ड- दक्षिणा  
हेल (हेरा) रत्न, भोग तुय्गु हामो छाय्गु थन तीर्थ  
पालं तुलसि, गण्ड व्यूह सूत्र पाठ- आर्य नामसंगीति  
स्तोत्र बोनेगु ।

पोठ गुह्येश्वरी देवी दिग्पाल पूजा ।

थुगु तीर्थे पार्वती देवी खगानना देवीया शरण  
वया उद्धार जुया वंगु ।

थुगु तीर्थे स्नान याय्गु मेला- भाद्रव शुक्लया  
प्रतिपदा बुधवार संन्ह । थुगु तीर्थे स्नान दान पाठ  
पूजादि व्रत यानागु पुण्य, कन्या १०० दान यानागु  
तुल्य फल प्राप्त ज्वी जुल थथ्ये हे तीर्थ पत्तिकं याय्गु  
सीके । ० ।

### ३- शंकर तीर्थ (शंखमूल)

थुगु तीर्थे मणिरोहिणी व वागमती थ्व निगु  
तीर्थ होना च्वंगु । स्नान लवं निफो स्वां, दान वह्या  
चन्द्रमा मूर्ति धौ शंख पोंचा तुयूगु काप जाकि कपू  
कपाय् ।

फियाह्य चैत्य सहित नाग मूर्ति पूजा ।

न्हेगु (७) फोना संयुक्तह्य तुयूह्य श्वेत वर्ण  
शंखयाल नाग राजा । चैत्ययात वह्या द्वाफो स्वां  
नागयात दृष्टि मिखा कंके चमितये छत्रं.तिये ह्यल  
धातु नागयात अंगस गर्भ तये ।

नागयात धूप कुंकुम नागदक्षिणा लावरत्न अथवा  
पन्ना, भोग तुय्गु हामो छायेगु ।

पाठ दशभूमीश्वर आर्य नाम संगीति स्तोत्र  
बोनेगु । पीठ चामुण्डा दिग्पाल पूजा तीर्थ पाल धाले

फल । थुगु तीर्थस गोपाल ब्राह्मण उद्धार जुया वंगु ।  
थुगु तीर्थे स्नान यागु मेला आश्विन शुक्लया तृतीया  
वृहस्पतिवार संहू खुनु । थुगु तीर्थे स्नान दान पाठ  
पूजादि व्रत यानागु पुण्य किसि १०० दान यानागु  
तुल्य फल प्राप्त ज्वी जुल । ० ।

#### ४- राज तीर्थ (धं तिल)

थुगु तीर्थे राज मंजरी व बागमती थ्व निगु  
तीर्थ होना च्वंगु । स्नान इता पिताचाः । दान  
ह्मासुकाप अन्न सहित (वस्त्र)

#### फियाह्य चैप्य सहित नाग पूजा

फिछगु (११) फोनां संयुक्तह्य सुरूप नागराज  
श्वेत वर्ण तुयूह्य धका सीके । चैत्ययात वह्या द्वाफो  
स्वां नागयात वह्या दृष्टि मिखा कंके । सुवर्ण धातु नाग  
यात अंगस गर्भ तये ।

नागधूप शिल्पाय् दक्षिणा माणिक रत्न, भोग  
पुवाकि जाकि अन्न छाये । पाठ समाधिराज सूत्र आर्य  
नाम संगीति स्तोत्र बोनेगु । पोठ वाराही दिग्पाल  
पूजा ।

तीर्थपालं तुलसिस्वां । थुगु तीर्थे विरुप कुमार  
उद्धार जुया वंगु । थुगु तीर्थस स्नान याय्गु मेला  
कार्तिक शुक्लया तृतिया शुक्रवार संहू ।

थुगु तीर्थे स्नान दान व्रत पूजादि यानागु पुण्य  
सल १०० दान यानागु पुण्य प्राप्त ज्वी जुल । ० ।

५- मनोरथ तीर्थ (खुसोख्य)

थुगु तीर्थे बिमलावती व केशावती थ्व निगु  
तीर्थ होना च्वंगु । स्नान उफोस्वां दान यायेगु सिजया  
कमण्डलु (लः थल)

फियाह्य चैत्य सहित नाग पूति पूजा

फिस्वगू (१३) फोना सहितह्य चित्र त्रिचित्र  
वर्णह्य कुलिक नाग राजा । चैत्ययात वह्या द्वाफोस्वां  
नागयात वह्या दृष्टि मिखा कंके । नं धातु नागया  
अंगस गर्भतये नाग धूप गुंगू दक्षिणा कर्कतन रत्नभोग  
साध्य छायेगु तीर्थपालं साचो (गोमूत्र) पाठ लंका  
बनार सूत्रः आर्य नाम संगीति स्तोत्र बोनेगु ।

पीठ मनमती देवी दिग्पाल पूजा ।

थुगु तीर्थे वासवदत्ता सुन्दरी स्त्री उद्धार जुया

वंगु । थुगु तीर्थस स्नान यायेगु मेला मसिर शुक्लया  
पंचमी शनिचरवार सन्हू खुनु ।

थुगु तीर्थस स्नान दान व्रत पूजादि यानागु  
पुण्य रथ वगी १०० दान यानागु तुल्य फल प्राप्त  
ज्वी जुल । ० ।

६- निर्मल तीर्थ (विलासः)

थुगु तीर्थे कुसुमावती व केशावती थ्र निगु  
तीर्थ होना च्वंगु । स्नान कसिह स्वां दान सुवर्ण  
तिसा (अंगु)

फियाह्य चैत्य नाग सहित पूजा-

न्यागु (५)- फोनां सहितह्य पोतवर्ण  
(ह्यासुह्य) पलाल नागराजा । चैत्ययात वहया  
छाफोस्वां नागयात दृष्टि मिखा कंके । सुवर्ण धातु  
नागया अंगस गर्भ तये ।

पाठ सद्धर्म पुण्डरीक सूत्र, आर्य नामसंगीति  
स्तोत्र वोनेगु । नागया धूप सुगन्धवात्त भोग साध्यः  
छायेगु । चैत्ययात सकभनं सुवर्ण दक्षिणा नागयात  
थन सुवर्ण दक्षिणा । तीर्थपाल गोमय (गोवर) पीठ  
स्वभाभगवती दिगपाल पूजा ।

थुगु तीर्थे वज्रपाद ब्राह्मण, लिरा वज्राचार्य  
जुया उद्वार जुया वगु । थुगु तीर्थेस स्नान यायेगु  
मेला पौष शुक्लया षष्ठी मंगलचार सन्हु खुन्हु ।

थुगु तीर्थे स्नान दान व्रत पूजादि यानागु पुण्य  
छेबुं दान यानागु तुल्य फल प्राप्त ज्वी जुल । ० ।

७- निधान तीर्थ (कंयु खुसि स्वग्रंभू क्वे)

थुगु तीर्थे सुवर्णावती व केशावती थ्व निगु  
तीर्थ होना च्वंगु । स्नान सिह्लाप् स्वां दान पुस्तक  
(सफु)

फियाह्य चैत्य सहित नाग मूर्ति पूजा-

न्यागु ५- फोनां सहितह्य मिजंह्य नन्द धेह्य  
नागराजा व म्येह्य न्हेगु (७) फ नां सहितह्य उपनन्दा  
धेह्य नागिनी मिसाह्य (छजो) सुन्दर रुप निह्य  
नागराज पित्त वह्या दृष्टि मिखा कंके नागछत्र  
चमि तिये ।

चैत्ययात वह्या छाफोस्वां तिये, सुवर्ण वह  
धातु नागया अंगस गर्भ तये नाग निह्य श्वेत वण  
तुयूपि ।

नाग धूप कुंकुम दक्षिणा माणिक रत्न भोग  
ताय् छायेगु । थन तीर्थपार्श्व सादुरु- पोठ कंगु देवी  
दिक्पाल पूजा ।

पाठ तथागत गुह्यक आर्य नामसंगीति स्तोत्र  
बोनेगु । थुगु तीर्थे दिनचूड कुमार उद्धार जुया वंगु ।

थुगु तीर्थस स्नान दान व्रत यानागु पुण्य अत्र  
बुं धन संपत्ति दान यानागु तुल्य पुण्य प्राप्त ज्वी  
जुल ।

थुगु तीर्थया स्नान याय्गु मेला माघ शुक्लया  
सप्तमी आदित्यवार सहु खुन्हु जुल । ० ।

८ - ज्ञान तीर्थ (कल्ल खुनी)

थुगु तीर्थे पापनाशिनी व केशावती २३ निगु  
तीर्थ होना च्वंगु । स्नान याय्गु आख्य व कपू स्वां,  
दान तुयूगु वस्त्रे जालि तथा ।

फियाह्य चैत्य नाग मूर्ति पूजा अर्घ्य सहित

गुंगू (९) फोनां सहितह्य श्वेत वर्ण तुयूह्य

बासुकी नागराजा । चैत्यया व वह्या छाफोस्वां नाग-  
यात दृष्टि निछा कंके छत्र तिये ।

बह धातु नागयात अंगस गर्भ तयेगु, नाग धूप  
रूप केसर दक्षिणा पुण्यराज भोग सादुरु छायेगु ।

पाठ ललित विस्तर आर्य नामसंगीति स्तोत्र  
वोनेगु । तीर्थपालं साधौ, पीठ तंकेश्वरीदेवी दिग्पाल  
पूजा ।

थुगु तीर्थे अज्ञान शोधन राजा उद्धार जुया  
वंगु ।

थुगु तीर्थस स्नान दान व्रत यायेगु मेला  
फालगुण शुक्लया अष्टमी चनिचरवार संहु खुन्हु ।

थुगु तीर्थस स्नान दान व्रत यानागु पुण्य गौ  
(सा) १०० दान यानागु तुल्य फल प्राप्त ज्वी  
जुल । ० ।

९- चिन्तामणि तीर्थ (पचली)

थुगु तीर्थ वागमती व केशवती थ्यनिगु तीर्थ  
होना च्वंगु खः । स्नान तुयूगु गुन्नु दान लुमार  
धोति वस्त्र ।



फियाह्य चैत्य नाग मूर्ति पूजा—

गुंगू [ ९ ] फोनां संयुक्तह्य तुयूह्य श्वेतवर्ण वरुण  
नागराज चैत्ययात वहया द्वाफोस्वां नागयात दृष्टि  
मिखा कंकेगु चमि तिये । सुवर्ण धातु नागयात अंगस  
गर्भ तयेगु । नाग धूप सुगन्ध बाल, दक्षिणा हेल रत्न  
[ हेरा ] भोग आख्य छायेगु ।

पाठ सुवर्ण प्रभास् आर्य नामसंगीति स्तोत्र  
वोनेगु ।

तीर्थपालं साध्य : पीठ पचली देव देवी दिग्पाल  
भैरव तथा मातृका पूजा ।

थुगु तीर्थे कोटिकर्ण कुमार उद्धार जुया वंगु ।  
थुगु तीर्थस स्नान यायेगु मेमा चैत्र शुक्लया दशमी  
शुक्रवार संहु खुन्हु ।

छुगु तीर्थस स्नान दान पूजादि यानागु पुण्य  
कन्या १०० दान यानागु तुल्य पुण्य प्राप्त ज्वी जुल ।

१०— प्रमोद तीर्थ [ दानिगा ]

थुगु तीर्थे वागमती व रत्नाबती थ्व निगु तीर्थ

होना च्वंगु । स्नान पंचामृत दान लकां कुशा ।

फियाह्य चैत्य सहित नाग मूर्ति पूजा

(न्हेंगु) ७ फोनां संषुक्तह्य श्वेतवर्ण तुयूह्य पञ्च  
नाग राज । चैत्ययात वहया द्वाफोस्वां नागयात दृष्टि  
मिखा कंकेगु । नागयात छत्रं तिये नागयात वह धातु  
अंगस गर्भतये । नाग धूप घ्यः जुला सुगन्ध वाल कपू  
दक्षिणा पुष्पराज भोग पियंगु छायेगु ।

पाठ अपार मिसा, आर्य्य नाम संगीति स्तोत्र  
बोनेगु ।

तीर्थ पालं तुयूगु हामो- पीठ इन्द्राणी देवी  
दिग्पाल पूजा ।

थुगु तीर्थस दानासुर दैत्य उद्धार जुया वंगु ।  
थुगु तीर्थे स्नान यायेगु मेला बैशाख शुक्लया द्वादशी  
वृहस्पतीवार संहु खुन्हु । थन तीर्थस स्नान दान व्रत  
यानागु पुण्य पुत्र पुत्री दान यानागु तुल्य पुण्य प्राप्त  
ज्वी जुल ।

११- सुलक्षण तीर्थ (भाजंग)

थुगु तीर्थे बागमती व चारुमती श्व निगू तीर्थ

होना चवंगु । स्नान पंच गण्य दान कवापा लकां तुतां  
कवपु ।

फियाह्य चैत्य व नाग मूर्ति पूजा

नहेगु ७ फोनां संयुक्तह्य श्वेतवर्ण तुयूह्य महापद्म  
नागराज । चैत्ययात वहया द्वाफो स्वां नागयात दृष्टि  
मिखा कंकेगु छत्र तिये चमितये ।

नागयात वह घातु अंगस गर्भ तयेगु धूप श्रीखण्ड  
दक्षिणा मोति भोग सादुरु ताय् । पाठ प्रत्यंगिरा,  
अ र्य नामसंगीति स्तोत्र बोनेगु ।

तीर्थपाल बैसिफल, पीठ वैष्णवी देवी दिग्पाल  
पूजा । थुगु तीर्थे स्वीनीता [३२] अलक्षणह्य विरुप  
कुमार उद्धार जुया वंगु ।

थुगु तीर्थस स्नान याय्गु मेला ज्येष्ठ शुक्लया  
द्वादशी बुधवार संहु खुन्हु । थन तीर्थे स्नान दान ब्रन  
पूजादि यानागु पुण्य पुत्री व गौ [सा] दान यानागु  
तुल्य पुण्य फल प्राप्त ज्वी जुल ।

१२- जय तीर्थ (नेबुहों)

थुगु तीर्थे प्रभावती व वागमती श्व निगु तीर्थ

होना च्वंगु । स्नान भीखण्ड- दान सय्या [कुटुंब ज्वलं  
फुकं] फियाह्य चैत्य सहित नाग मूर्ति पूजा- थन  
७ न्हेगु फोनां संयुक्तह्य तुयूह्य श्रीकान्ति नागिनी  
मिसाह्य । चैत्ययात वह्या द्वाफो स्वां, नागयात दृष्टि  
मिखा कंके छत्र चमि तिये ।

नागयात सुवर्ण धातु अंगस गर्भ तये । पाठ  
करुणा पुण्डरीक आर्य नाम संगीति स्तोत्र बोनेगु ।

पीठ वैष्णवी देवी दिग्पाल पूजा ।

धुप कस्तुरी दक्षिणा मोति रत्न भोग तुयूगु  
हामो छायागु । तीर्थपालं व्या व तसि [श्रीफल]

थुगु तीर्थे श्रीकान्ति नागराज [नागिनी] उद्धार  
जुया वंगु, थ्वया पुरुष सत्यनाग अकाल मृत्तुं बचे  
जुया उद्धार जूगु । थुगु तीर्थे स्नान याय्गु मेला आषाढ  
शुक्लया त्रयोदशी सोमवार संहु खुन्हु ।

थुगु तीर्थे स्नान दान व्रत यानागु पुण्य देह  
[शरीर] दान यानागु तुल्य पुण्य प्राप्त ज्वा जुल ।

थनतक द्वादश तीर्थ [१२] व्रतया खँ जुल ।

अष्ट द वैतराग उपतीर्थया खँ सीके ।

१- थुगु तीर्थ मणिचूदहं पुखु- द्वाफो स्व-  
स्नान मैत्री बोधिसत्व स्वरूप- चैत्य पूजा न्हेगु फोना  
दुह्य वचुह्य नागमूर्ति अर्घ्य सहित पूजा याये । दान  
पिण्डपात्र व साया मूर्ति सिज अथवा वहले किया ।  
थुगु स्थाने मणिचूड राज कुमार उद्धार जुया वंगु ।

### २- गोकर्णेश्वर (गोकर्ण)

थुगु तीर्थे स्नान अश्वेस्वां गगनगंज बोधिसत्व स्वरूप  
महादेव, दिगूपालव-चैत्यमूर्ति कियाह्य गुंगु ९ फोना  
दुह्य ह्याउह्य तक्षेकनागराज अर्घ्य सहित पूजा दान  
सिजया थले न्याता वृहीतया । थन गोकर्णेश्वर राज-  
कुमार उद्धार जुयाः वंगु । ० ।

### ३ - कीलेश्वर (सको चंगु)

थन समन्तभद्र बोधिसत्व ज्वी तीर्थे तुयूगु  
गुन्तुनं स्नान, दान बस्त्र व गौमूर्ति (सा) कियातयागु  
वह अथवा सिज । वचुह्य कुलिक नागराज न्हेगु (७)  
फोना दुह्य, थवया स्त्री गुंगू (९) फोना दुह्य शीता  
नागिनी तुयूह्य, सहित चैत्य मूर्ति पूजा । थुपि छजो  
नाग नागिनी निह्य उद्धार जुया वंगु ।

### ४-कुंभेश्वर यल (कोंति)

थन बज्रपाणि बोधिसत्व स्वरूप महादेव चिह्न

दुगु तीर्थे, स्नान पारिजात स्वां-दान शिधा अन्न ।  
गुंगू फोना ९ दुह्य तुयूह्य वासुकी नागराजा । थन  
ह्लापा ब्राह्मण जाति सर्वपाल नाम-लिपा बज्राचार्य  
जुया उद्धार जुया वंगु ।

#### ५- गोपालेश्वर (फंपि लिउने)

थन मंजुघोष बोधिसत्व स्वरूप महादेव चिह्न  
तीर्थे स्नान सिह्लाय् स्वां-दान न्याता फलमूल । न्हेगु  
(७) फोना दुह्य तुयूह्य महाबल दुह्य नागराज ।  
गोपाल नाम ब्राह्मण उद्धार जुया वंगु ।

#### ६- फणिकेश्वर (फंपि नारायण स्थान)

थन सर्वणीवर्ण बिस्कुंभि बोधिसत्व स्वरूप चिह्न  
महादेव । थन तीर्थे ७ न्हेगु फोना दुह्य वचुह्य कर्वुद  
न ग सहित चैत्य मूर्ति पूजा । स्नान तुलास स्वां दान  
चाकु अथवा साख । थन गोपाल ब्राह्मण लिपा वदि  
याना चार्य जुया उद्धार जुया वंगु । फंपिस बज्रयोगिनी  
देवी साधन याना वंह्य थ्वंखः ।

७- गर्तेश्वर [गन्धेश्वरनं धाइ ! कच्छपाल  
चोभा]

थन क्षिति गर्भं बोधिसत्व स्वरूप महादेव  
चिह्न । आनन्दादि लोकेश्वर तथा न्हेगु फोना [७]  
दुह्य तुयूह्य धरुण नाग दुगु तीर्थे, स्नान, भाजग तीर्थे  
नं स्नान याडगु चलन दु स्नान उफोरवां, दान सिज  
थले वा तथा दान । चैत्य नाग मूर्ति यात अर्घ्य सहित  
पूजा । थन काम धेनु सा उद्धार जुया वंगु ।

८- बिक्रमेश्वर [गोपुच्छ पर्वत स्वयंभू लिउने]  
आदीश्वरनं धाड । थन खगर्भं बोधिसत्व स्वरूप  
चिह्न महादेव हिति पुखु तूं बोंगा सहित तीर्थे स्नान  
चै स्वां दान पिण्ड पात्र व दीप । थन ९ गुंगू फोना  
दुह्य वचुह्य अनन्त नाग राजा चैत्य सहित पूजादि  
अर्घ्य याये । थन वदि याना चार्य्य [बज्राचार्य गुरु]  
सिद्धा रूपं तप याना उद्धार जुया वंगु । शुलि अष्ट  
वैतरागया खं जुल ।

- स्वयम्भू भगवान् प्यंगु स्थान ह्यसीके
- १] स्वयम्भू भगवान् आदि बुद्ध चैत्य मंजुश्री स्थान  
गोपुच्छ पर्वत ।
  - २] खास्ति बौद्ध चैत्य मूर्ति भगवान् ।
  - ३] बन्देजु चैत्य मूर्ति भगवान् बरेगां ।
  - ४] नमोबुद्धाय नमरा चैत्य भगवान् मूर्ति ।

चगह्य [ ८ ] लोकेश्वर स्थान ह्यसीके	
सृष्टि कर्ता लोकेश्वर करुणामय यल	१
आनन्दादि लोकेश्वर चोभा	२
आर्यबलोलोकितेश्वर जनबाहा	३
जटाधारि लोकेश्वर तंगबाहा	४
खसर्प लोकेश्वर थ्यमी अथवा त्वायबाहा	५
हरिहरि वाहन लोकेश्वर सकोचंगु	६
पद्मनाथ लोकेश्वर खवप	७
अनोघपाश लोकेश्वर नाला	८

गुलिसिनं नाला करुणामय यात सृष्टि कान्ता  
लोकेश्वर धाडगु ।

अशोक नृप कृत स्थूल चैत्य ४ प्यंग प्यंगु युग

प्रमाण-

१. सत्य युग प्रमाण, इपि वहि न्होने, स्थूल चैत्य
२. त्रेतायुग प्रमाण, त्यता लंया सिथे, स्थूल चैत्य
३. द्वापर युग प्रमाण, लगख्यले, स्थूल चैत्य
४. कलियुग प्रमाण, पूचवहि, ववसं, स्थूल चैत्य

स्वयम्भू भगवान पंच बुद्ध दर्शनार्थे अशोकनृप  
पटनादेश नेपाल भ्रमण याना बिज्याबले आपालं लक्ष  
चैत्य थाका गर्भे तथा निर्माण यागु स्थूल चैत्य,  
अशोकावदाने खं दु ।



## श्रीमदार्यावलोकितेश्वर

१२ मास करुणामय '१२' नामानि (१२ लोकेश्वर)  
आर्यतारा पिंगु नाम-

१. बैशाख वद्यला हरिहरिहरि वाहन लोकेश्वर  
षड्भुजांग तारा
२. ज्येष्ठ तद्यला त्रैलोक्यवशंकरि लोकेश्वर जांगुली  
तारा
३. आषाढ दित्तां [रक्त] रक्त लोकेश्वर आर्यतारा
४. श्रावण गूला नीलकण्ठ लोकेश्वर सप्तलोचन्ती  
तारा
५. भाद्रव जंला मायाजाल लोकेश्वर पुष्पताग
६. आश्विन कौला खदिरवति लोकेश्वर आर्य खदिर  
वती तारा
७. कार्तिक कद्यला षडक्षरि लोकेश्वर कारणु बूह  
[मूर्ति] महत्तरी तारा
८. मंसीर थिला लोकनाथ लोकेश्वर वरदा तारा
९. पौष पोहेला हालाहल लोकेश्वर वज्रतारा
१०. माघ सिल्ला रबसर्प लोकेश्वर चित्तबक्रतारा
११. फाल्गुण चिल्ला सिंहनाद लोकेश्वर शातातारा
१२. चैत्र चउला पद्मनृत्येश्वर लोकेश्वर रत्नवतीतारा

अष्टोत्तर शतकः सखिव च्याह्य (१०८) मध्ये  
 िनिह्य (१०) जक संशरत्त करुणामयया नाम थुकि  
 च्वया । छलपोल अति शोभायमान लक्षणयागु देह  
 जुया षड्गति पाप कर्म दूर याइह्य करुणामया छानि  
 स्वरूप ह्य खः धका सीका नित्य दिनया त्रिप्रहर सुथे  
 हिने वहनी स्मरण याना च्वना प्रभू सखिव च्याह्य  
 (१०८) स्वरूप जुया बिज्याह्य करुणामय छपिन्त  
 जिमिगु प्रणाम दु ।

जिगु इनाप

नेपाले ह्यापांसिं बौद्ध गुरु पुरोहित बज्राचार्य  
 पि षुः । जजमान पूजा जक याय सेकानं थौया समये  
 उच्चपदया गुरु ज्वीत थाकुइ । वर्तमान सकल वैज्ञानिक  
 तरिका विद्वान जुया वइ च्वन । लामा भन्ते गुरु पिन्त  
 मान्यता यक्व दु ।

वेकपिसंयें बज्राचार्य गुरु पिसंनं बुद्ध धर्मया ज्ञान  
 व्याख्या याय् फुसा उच्चपदया मान्यता अवश्य दै ।  
 व्याख्याय् फेक विद्वान् ज्वीत संस्कृत शास्त्री आचार्यया  
 क्रम कौमुदी व्याकरण काव्य कोश नीति दर्शन शास्त्र  
 अध्ययन याय् फुसा विद्वान्ह्य गुरु जुया उच्च पद प्राप्त  
 ज्वो धंगु आशा याना । अस्तु ।

पं० वै० आशाकाजी बज्राचार्यः

## अमोघपाशलोकेश्वर करुणामय

### ध्यान म्हसीका पूजा याये

वसपोल करुणामय ह्लापां यंकार वीन (मंत्रं)  
निर्मल तःफोगु पलेस्वां उत्पत्ति जुल । उकी दथ्वी  
द्योने होंकार मंत्रं कुने याना तयागु शंख थ्ये श्री शोभां  
युक्तह्य तुयूगु वर्ण अमोघपाश लोकेश्वर करुणामय  
उत्पत्ति जुया विज्यात ।

वसपोल छपाखवा स्वंग मिखा स्वर्ग मर्त्य पाताले  
स्वया बिज्याह्य जवे प्यका खवे प्यका च्याका ह्लाःधरे  
याना, जवे चवंगु मूलगु १ ह्लाति भय मदंगु अभय  
मुद्रा क्यना, निकागु २ ह्लाति वरदमुद्रा, वर दान  
बिया— स्वकागु ३ ह्लाति धर्मया, पापि तेत चोगु  
खिप थुजागु धका क्यनेत अमोघपाश ज्वना बिज्यात,  
प्यकागु ४ ह्लाति, नरके भोग याय् म्वालीगु षडक्षरि  
मंत्र बोनेगु जाप माला ज्वना बिज्यात । हानं खवे  
पत्ति प्यका ह्लाः मध्ये मूलगु १ ह्लाति अज्ञान नाश  
ज्वोगु अमृत जल हायेका कमण्डलु कलश ज्वना  
बिज्यात । निकागु २ ह्लाति पुण्य ह्यसीकि धका

रत्नया पलेस्वां ज्वना बिज्यात । स्वकागु ३ ह्लाति  
 काय वाक् चित्तं यानागु दशाकुशल पाप शमन ज्वीगु  
 दिनया स्वक षडक्षरि मंत्र बोने केकि धका विदण्ड  
 (त्रिशूल) धरे याना वयन । प्यकागु ४ ह्लाति प्रज्ञा-  
 पारमिता पुस्तक ज्वना नित्य पाठ पूजाया बोधिज्ञान  
 लाभ जुया सुख ज्वी धका पुस्तक धरे याना वयना ।  
 शान्त स्वरूप ज्वीगु चलाया छयंगुति जंस हिना वयन ।  
 पंचशीलया वस्त्रं पुना, अष्टशीलया तिसां तिया,  
 अमिताभ तथागत गुरु शिरे धरे याना- जवे आर्य  
 तारा व सुधन कुमार बोधिसत्व निह्य तया, खवे, भृकुटि  
 तारा व हयग्रीव कुमार बोधिसत्व निह्य तया. थुजागु  
 मण्डलया दश्वी बिज्याह्य श्री अमोघ ॥ श लोकाेश्वर  
 करुणामय लुमंका अष्टांग प्रणाम रत्न मण्डल दोहलपा  
 पुजा यानागु पुण्यं पाप क्षय जुया पुण्यया शरीर जुया  
 उद्धार ज्वी अवश्व धका सद्गुरुं आज्ञा जुया  
 बिज्यात ।

## धर्मात् वृत्तिजन बुद्धोपाशकोपाशिका पिन्त इनाप दु

तीर्थपत्तिकं स्नान क्रिया चैत्य नाग पूजा धुंका  
गुरु मण्डल बुद्धधर्म अमोघपाश लोकेश्वर करुणामय  
पूजादि त्रित तीर्थ पत्तिकं स्नान दान यायेगु ज्वलं थुगु  
पुस्तके चवया क्यंगु बमोजिम ज्वना बिज्याय्गु दीगु  
सफल ज्वी । त्रिरत्न शरण नित्य अस्तु ।

भगवान् बुद्धोपदेश गृद्धकूत पर्वते महायान धर्म  
व्याख्या सद्धर्म पुण्डरीक वैपुल्य सूत्रे थथ्ये उल्लेख दु ।  
अहिंसा निःस्वार्थी रुपं बुद्ध पूजाय् मद्यमांस वर्जित  
याय् फेकेमा उत्तम धर्मया पूजा ज्वी । थुगु सफु मूल  
अर्थ सहित प्रकाश जुया च्वंगु दु । स्वया सोकेगु इच्छा  
दुपिनि मासा काविज्याहु दिसं-

थाय् :- पं० वै० आशाकाजि अथननि ।  
पुण्यराज शाक्य- दबु नापं



